




ԷԿՈՒՄԵՆԻԿ

ԿՅԱՆՔ

ՈՒՍԱՆՈՂՆԵՐԻ ՄԻՋԱԶԳԱՅԻՆ ԲՐԻՍՏՈՆԵԱԿԱՆ ԺՈՂՈՎԻ ԳՈՒՄԱՐՈՒՄԸ
ՍԱՆ-ՖՐԱՆՑԻՍԿՈՅՈՒՄ

Օգոստոսի 11—12 օրերին Սան-Ֆրանցիսկո քաղաքում (ԱՄՆ) գումարվել է Ռեյանոյների Միջազգային Բրիտոնեական ժողովը, որին մասնակցել են աշխարհի 76 երկրներից շուրջ 200 ներկայացուցիչներ:

Հայոց Հայրապետի կարգադրությամբ, սույն համագումարին Սովետական Միության մեջ գործող եկեղեցիների ներկայացուցիչների հետ մասնակցել է նաև Նոր-Նախիջևանի և Ռուսաստանի թեմի առաջնորդական տեղապահ և Մայր Աթոռի միաբան Ս. Տիրան վարդապետ Կյուրեղյանը:

Մայր Աթոռը առաջին անգամն էր որ մասնակցում էր նման համագումարին՝ իր ներկայացուցչի միջոցով, որպես դիտորդ: Երիտասարդական Միջազգային վերոհիշյալ կազմակերպությունը հիմնադրվել է 1895 թվականին: Չորս տարին մեկ անգամ է որ գումարվում է սույն կազմակերպության հերթական համագումարը:

Համագումարի ընթացքում կարդացվել են հինգ զեկուցումներ, որոնք քննարկվել են խմբակային միությունում, ապա դրվել լիազումար հիստին, որ ընդունվել են համապատասխան որոշումներ:

Համագումարի օրակարգի վրա դրվել էին նաև Մերձավոր Արևելքի կացությունը,

Լատինական Ամերիկայի և Աֆրիկայի որոշ երկրների քաղաքական անհանգիստ վիճակը և կանանց հավասարության և իրավունքի հարցերը:

Օգոստոսի 22-ին համագումարը ավարտում է իր աշխատանքները եկեղեցական Էկումենիկ արարողություններով: Համագումարի անունից նամակներ են ուղարկվում եկեղեցիների Համաշխարհային Խորհրդին, Միացյալ Ազգերի կազմակերպության և ԱՄՆ-ի նախագահին:

Ս. Տիրան վարդապետը, Սան-Ֆրանցիսկո գտնված օրերին, հետաքրքրվում է նաև տեղի հայ համայնքի կյանքով:

Օգոստոսի 16-ին, կիրակի օրը, Ս. Աստվածածնի տոնին Ս. Տիրան վարդապետը, Կալիֆորնիայի հայոց թեմի առաջնորդ Ս. Վաչե արքեպ. Հովսեփյանի հրավերով, պատարագում է տեղի հայոց Ս. Հովհաննես եկեղեցում՝ հաղորդելով ներկաներին Հայոց Հայրապետի ողջույններն ու օրհնությունները: Ս. պատարագից հետո Ս. Տիրան վարդապետը եկեղեցում աղբյրներ սրահում հանդիպում է ունենում հավատացյալների հետ:

Օգոստոսի 26-ին, Ս. Տիրան վարդապետը վերադառնում է Մոսկվա՝ ի գլուխ իր պաշտոնին: